

文
木
山
房
集

文木山房集目

詩二

贈李俶南二十四韻

酬青然兄

貧女行二首

傷李秀才

并序

美女篇

二月三日舟發通濟河同李遽門作

夕陽

錢圖南齋中夜坐

左伯桃墓

投金瀨

邵村同司徒左文趙壽民司徒孔文司徒際周話
舊

石曰湖弔邢孟貞

神弦曲

并序

月夜懷姚文潔黃崙發

村舍雀二首

酬李遽門

秣陵關

贈黃崙發二十韻

病中憶兒娘

初夏惠隱寺花嶼山房食筍分韻得竿字

夏日讀書正覺菴示兒娘

送別曹明湖

贈楊督府江亭

真州客舍

雨夜楊江亭齋中看菊

雨

方靖民楊巨源攜樽過余寓齋小飲

贈真州僧宏明

歲暮返金陵留別江賓谷二首

天台紅藤杖歌爲姚文潔作

伯兄自山中來夜話山居之勝因憶去秋省兄未
及十日而別詩以志感得二十韻

陳仲怡刺史留飲寓齋看燈屏同李遽門作

贈家廣文蒙泉先生

哭舅氏

題白沙翠竹江村

見山樓

香葉山堂

東溪白雲亭

芙蓉汧

耕烟閣

因是菴

衆響齋

僊壺

寸草亭

輓外舅葉草廳

送學使鄭筠谷夫子還

朝三十韻

曉發姑孰道中

慈姥山

贈洪別駕月航

朞月將之宣城留別遽門

江上曲

僊人磯晚眺

雪後過采石磯

白紵山

曹躍舟留宿南軒

入琵琶峽

除夕寧國旅店憶兒姪

文木山房集

全椒 吳敬梓 敏軒

詩二

贈李俶南二十四韻

行旌新歲至候館早春寒梅蕊宵疑坼椒花曉未殘光風
迎北戶淑氣轉東闌晉接言辭洽周旋禮數寬家聲重仙
李功業著樓蘭憶昔橫戈數曾聞倚劍看秋風衰草白落
日大旗丹羗笛聲多怨鳴笳夢豈安龍城誇萬仞虎旅凜
三單月朗輝銀鎧沙飛染繡鞍革心有硯戶稽顙是呼韓
禹甸休傳檄堯階慶舞干長才試盤錯壯志歷艱難自合

膺專閫還宜議築壇邊疆欣奏凱薄海美飛翰虎豹嫺韜畧蛟螭走筆端焚香爐鳴瘦翻帙蠹魚乾才子珠爲唾先生鐵作肝高情惟覓句雅韻若無官適興還揮麈新詩擬弄丸油幢千騎上鬃馬萬星攢躬應昇平運交深寒士歡揮毫驚浩瀚伸紙自汎瀾竚見頒綸綍天階奏鳳鸞

酬青然兄

鳴鳩飛戾天詩人獨長歎明發念先人不寐涕汎瀾况當明聖代敢忘振羽翰兄昔膺薦牘驅車赴長安待詔三殿下簪筆五雲端月領少府錢朝賜大官餐卿士交口言屈宋堪衙官如何不上第蕉萃歸江干酌酒呼弟語却聘爾

良難淮南舊業荒江左春色闌酒人復延訪詞客且盤桓
歌場酌大斗狂呼顏渥丹忽焉獨書空中心信渺歡行道
會有時豈能終澗槃兄其崇明德無爲摧肺肝

貧女行二首

蓬鬢荆釵黯自羞嘉時曾以禮相求自緣薄命辭徵幣那
敢逢人怨蹇修

阿姊居然賈佩蘭踏歌連臂曲初殘歸來細說深宮事村
女如何敢正看

傷李秀才 并序

丙辰三月余應博學鴻詞科與桐城江若度宣城梅淑伊

寧國李岑森同受知于趙大中丞。余以病辭，而三君入都。李君試畢，卒于都下。賦此傷之。

扶病驅馳京輦遊，依肱名未上瀛洲。報羅不是人間使，天上應難賦玉樓。

美女篇

夷光與修明，豔色天下殊。一朝入吳宮，權與人主俱不姁。比螽斯，妙選聘名姝。紅樓富家女，芳年春華敷。頭上何所有？木難間珊瑚。身上何所有？金縷繡羅襦。佩間何所有？環珥皆瑤瑜。足下何所有？龍縞覆氍毹。歌舞君不顧，低頭獨長吁。遂疑入宮嫉母，乃此言誣。何若漢皋女，麗服佩兩珠。

獨贈鄭交甫奇緣千載無

二月三日舟發通濟河同李遽門作

麗景方如許如何作旅人薰梅紅漸減
攀柳綠初勻古廟春烟濕荒村社火新
晝眠知有禁月令是日禁晝眠冥冥笑言親

夕陽

夕陽紅與綠波溶烏榜青烟春意濃
近岸繡旛飄柳外誰家糕酒祭句龍

同作

江都李本宣遽門

蕊淵西下遠波融蓬底炊烟煮晚菘
行飢舵樓間眺望綠楊村店酒旗紅

錢圖南齋中夜坐

却羨春暄美都忘客思淹
薜門初倒屣花徑乍開簾
細草繁書帶垂楊拂帽簷
相邀傾酒琖間坐數郵籤
但覺襟懷爽應教勢利恬
清吟思沈謝高臥想羲炎
自笑緇常化誰憐突不黔
從今與朋好愛說老夫潛

左伯桃墓

元辰余似裝登塚
泥朝露蘭蕙被光風
松篁夾廣路烟黯
蒲塘橋遙指左桃墓
憶昔并衣糧含笑入深樹
良朋相楚歸死骨終相附
懷古撫殘碑想見交情固
良足敦友誼胡乃急榮遇
亦有却聘人灌園葆貞素

投金瀨

春風花落溪水漾貧家柴門閉水上女兒三十無夫家日
日臨流泝泝統蘆中窮士伍子胥星奔乞食來村墟壺漿
豈爲投金報感激沈身魚鼈豬白蜺爲裳玉爲佩冒容練
色烟染黛岸草汀花無限愁霧鬢風鬟竟安在人生遇合
信難期傾城顏色無人知若教身入吳王苑尊榮寧得讓
西施

邵村同司徒左文趙壽民司徒孔文司徒際周話
舊

密戚忻相聚香醪味獨甘燒燈開斗室設榻近書龕往事

俱重述行踪亦共諱爲言居勝地終日事幽探黃蕊當牕
發丹蘂繞戶酣草痕同織翠水色欲拖藍耕鑿時無失林
泉樂可耽倉庚飛熠燿燕子語呢喃細雨童驅犢薰風婦
餵蠶荷鋤遵廣陌倚杖瞰晴嵐曠渺情何限風塵客轉慚
良宵難再得挂煩聽清談

石臼湖弔邢孟貞

石臼湖中春水平石臼湖邊春草生團蒲爲屋交枝格棘
庭蓬靄幽人宅幽人半世狎樵漁身沒名湮強著書海內
宗工王司寇丁寧賢令式其廬式廬妹子何以告惆悵姓
名爲鬼錄檢點遺書付梨棗頓使斯文重金玉前輩風流

難再聞祇今湖水年年綠

神弦曲

并序

邵村地介吳楚俗尚鬼奉關壯繆甚謹社日與句龍並祀
旅况無聊爲作迎神送神之曲令巫覡歌焉

挾日今朝暄燭爲饁兮赤蘖酌清酤兮刲黝牲揚靈旂兮
采旛擊坎侯兮鼉鼓神之來兮江滸駕翔鳳兮飛龍舟檣
風落兮纜錦浮被犀皮兮衷兕革操吳戈兮帶楚鐵剖魚
獸兮珠文珥象骨兮解轡紉巫再拜兮嚙詞神去兮江之
涯乘雲車兮風馬渺翩翩兮將下仲春兮振旅神之的兮
捍吾圉

月夜懷姚文潔黃崙發

黃權真快士姚合擅詩篇一別春江上重看明月員檐光
搖短燭香篆裊殘烟此際知何處清吟夜未眠

村舍雀二首

衙書授錄也休論棲宿猶堪傍市門何事空村來啄粟可
知挾彈有王孫

昏目還應慮夕暉春暄且趁短垣飛無端一陣催花雨溼
透嘉賓褐色衣

酬李遽門

子性極和緩余懷多壯億相約同遠行十日九睚眦吳舫

六幅帆其中小
于芥瑟縮同眠
食詎敢共噓噫
迴望秣陵城
小李將軍畫
因之詩思動
伸紙書倒薤
竟忘局促苦
連宵意不敗
君子淡以成
小人甘以壞
願得常攜手
互作韋弦佩

秣陵關

復與芳徑草
痕斑明庶風
來滲客顏一
帶江城新雨
後杏花深處
秣陵關

贈黃崙發二十韻

叔度不相見
因之鄙吝生
春花香水榭
暮雨暗江城
游屐五年共
行觴一座傾
掀髯唯笑傲
捧腹更從衡
渴驥臨摹

妙捕蛇詩句清解衣看盤礴信手卽經營吹影空齋話游
絲小院晴卻超真好客許武果成名憶昔方年壯翱翔上
帝京每觀三耦射嘗饜五侯鯖瘦馬投山店扁舟問水程
燕吳悲異路楚越又宵征老憶家千里愁形髮數莖言歸
呼酒伴良友訂詩盟滿貯紅梁醞新烹玉糝羹虛堂宜說
劍曲室且鳴箏爅几多蕭散門庭少送迎懸弧當勝日折
簡召耆英座有金光草人疑木帝精狂夫來索醉洗琰祝
長庚

病中憶兒烺

自汝辭余去身違心不違有如別良友獨念少寒衣病榻

茶烟細春宵花氣微郵亭宿何處夢也到庭幃

初夏惠隱寺花嶼山房食筍分韻得竿字

偶過支公院荒畦綠幾竿款扉驚晝課燒筍供朝餐合配
香秔熟應知粉籜殘從今謝逋客留待竹平安

夏日讀書正覺菴示兒烺

仲夏草木莽離慙鬱長鞠涼臺不可得仁祠映林麓呼兒
移臥具來就老尊宿板榻欹雲眠草裳離塵服炎光大火
灼惟期就湯沐忽然玉帛鳴但覺金鷄伏奮鐸振天關衝
孔廻地軸頓忘瘴暑心願言被霧縠始知轉眼間世事多
翻覆貧賤安足悲篝燈向西塾

送別曹明湖

清風戒寒衣，霑露與君相遇。青溪渡秋江，駭浪布帆輕送。
君歸去，闔閭城今夜扁舟潤州地。爛熳花開，鶴林寺鱸膾
尊羹，取次嘗橙黃橘綠。強人意。十月聞君又遠遊，北道嚴
霜，滲敝裘。長安卿相舊相識，應須笑傲凌五侯。時將謁趙
大宗伯
人生知遇真難得，揮手別君淚沾臆。

贈楊督府江亭

猗猗產西域，本非百獸倫。一朝同率舞，圖畫高麒麟。三苗
昔梗化，戈鋌擾邊垠。桓桓楊督府，鉦鼓靖烟塵。功成身既
退，投老歸江濱。廉頗猶健飯，羊祜常角巾。明月張樂席，晴

先生癸丑移
家此云七年
當是己未
(乾隆四十)

日坐花裯丹心依天桴白髮感蕭晨方今履泰交禮樂重
敷陳
天子聞鼓鼙應恩將帥臣

真州客舍

七年羈建業兩度客真州。細雨僧廬晚寒花江岸秋奇文
同刻楮閱世少安輒秉燭更闌坐飄蓬愧素侯

雨夜楊汀亭齋中看菊

秋雨羈慈室驚傳折簡呼黃花依玉箔翠葉映瓊蘇愛客
忻投分論文恕鄙儒不因逢勝賞誰解旅懷孤

雨

皇天不雨五閱月誰鞭陰石向偃山我今客遊二百里真

州僧舍掩松關維時季商律無射肅霜納火細菊斑夜靜
薄寒擁衾臥忽然揮汗熱面顏阿香喚汝推雷車殷殷雷
鳴盈清灣初疑江邊巨艘發詰朝驟雨聲崢嶸翻盆三日
不復止慧門丈室苔黦爛寒花幽草俱漂沒惟見堦下水
潺湲老夫顧此情懷惡客居幸得半日閒呼童鄰家賒美
酒其踞一醉氣疎頑明晨衝泥問楊子妻兒待米何時還
方靖民楊巨源攜樽過余寓齋小飲

入門攜酒鐫慰余羈旅情舊事殷勤說新詩刻苦成雨餘
秋轉麗霜後水初清盡日饒佳趣休辭醉月明

贈真州僧宏明

僧姓蕭全椒人
余從母之子也

昔余十三齡，喪母失所恃。十四從父宦，海上一千里。弱冠父終天，患難從茲始。窮途久奔馳，攜家復轉徙。吁嗟骨肉，親音問疎桑梓。今年遊真州，蘭若寄行李。中有一比丘，聞我蹙然喜。坐久道姓名，知爲從母子。家貧遭飄蕩，耶孃相繼死。伯兄去東粵，存歿不堪擬。仲兄遠傭書，遙遙隔江水。弱妹適異縣，寡宿無依倚。兄弟餘兩人，流落江之涘。髡緇入空門，此生長已矣。哽咽語夜闌，寒風裂窻紙。

歲暮返金陵留別江賓谷二首

廣莫風多寒氣凝，布帆霜雪照愁燈。從今祇可憑雙鯉，問訊相如病茂陵。
賓谷以秋
日抱病歸

長雲斷岸盡相思衰柳何堪綰別離楚鼓數聲村落晚扁舟重遇佛狸祠

天台紅藤杖歌爲姚文潔作

臥梅書屋春光麗客來叩戶撥清製臥梅老人倒屣迎呼童執末趨同行云是天台紅藤杖天台老僧昔我貺二十五年常函藏斑溪色古壽耆相摩挲今日拂塵埃笑語閒庭步紫苔桃枝靈壽差堪擬枯蔓蒼藤何有哉杖端非飾不噎鳥銘以篆書獨天嶠薊門陳君雕鏤工公輪刻鳳出意表吾聞千歲藟爲蓂蓂藤援以樛木同鈎繩且復相隨遊錦市應免他時投葛陵鍾山千尺濃雲護曳杖年年濕

芒屨應羨山靈有夙緣自慙塵坌無歡趣百歲清閒非易
求得意當思五嶽遊眼見春花爛南陌百錢買醉須阮修
伯兄自山中來夜話山居之勝因憶去秋省兄未
及十日而別詩以志感得二十韻

地本烟霞窟兄爲巢許倫百年歌帝力十畝樂天真抱阜
宜營室還汀許結鄰綠廻芳草長黛染遠峯勻社鼓烏江
廟居與烏江項王廟相近靈旗牛渚津山川餘質朴習俗尚清淳野

老嬉遊共村翁來往頻藤蘿陰漏月桑柘影隨身美酒盈
杯勸良苗幾稜新餽簫花外市牧笛雨中春幸免家人謫
偏餘稚子親攤書消永夜高枕臥清晨自著潛夫論寧辭

原憲貧昨秋過故里留我住彌旬薜荔依門巷蒹葭變水濱
圓沙知雁聚曲港見鷗馴蟹斲綠溪富魚習習樹均嘉肴
仍速舅肥壯足娛賓願得長相倚須完未了因寄聲勞
擾客此是武陵人

陳仲怡刺史留飲寓齋看燈屏同李遽門作

烟綃霧縠稱絲絕中含火齊光皎潔鯨魚鱗甲動蜃膏秀
華掩映管弦咽風流太守解組歸愛客開樽燈月輝滅燭
留髡客不去不知門外雪霏霏

贈家廣文蒙泉先生

吾宗宜碩大分派衍梁溪名字標黃閣綸音降紫泥

此即外史
虞博士書
無錫人

清才堪禁近。課士且卑樓。繫馬春風暖。啣杯月影低。槐陰
看鱗集。柳外聽烏啼。鍾阜邀詞藻。秦淮淨品題。微吟驚候
吏。奏績付詩奚。大雅將淪落。斯文賴整齊。昔年賢使相。謂相
國投分幾招攜。豈合甘蕭散。應難得久稽。聲稱盈玉
殿。依舊赴金閨。

哭舅氏

河干屋三楹。叢桂影便娟。緣以荆棘籬。架以蒿牀眠。南鄰
侈豪奢。張燈奏管弦。西鄰精心計。秉燭算緡錢。吁嗟吾舅
氏。垂老守殘編。弱冠爲諸生。六十猶屯邛。皎皎明月光。揚
輝屋東偏。秋蟲聲轉悲。秋藜爛欲然。主人旣抱病。強坐芸

此是外史中
一人物

文木山房集

牕前其時遇賓興力疾上馬韉夜沾荒店露朝衝隔江烟
射策不見收言歸泣涕漣嚴冬霜雪凝偃臥小山巔酌酒
不解歡飲藥不獲痊百憂摧肺肝抱恨歸重泉吾母多
兄弟惟舅友愛專諸舅登仕籍俱已謝塵緣有司操尺度
所持何其堅士人進身難底用事丹鉛貴爲鄉人畏賤受
鄉人憐寄言名利者致身須壯年

題白沙翠竹江村

見山樓

隔江嵐翠重高寢畫圖展疑是僊人居蓬萊水清淺

香葉山堂

文杏花葉香古栢虬龍附俯仰難自如移亭應就樹

東溪白雲亭

東溪看朝濟蒼蔚衆鰖堆東溪人已去白雲自往來

芙蓉汧

朝採芙蓉花暮採芙蓉葉芙蓉不見人臨風舒笑靨

耕烟閣

北舍飛倉庚南村鳴布穀細雨試開軒綠簑覆黃犢

因是菴

菴有綠牡丹

架上白鸚鵡牕前綠牡丹何如航海客親至落伽還

見鴻書

衆響齋

大塊多噫氣斯齋衆響俱其南爲梵宮其西爲僊壺

僊壺

水色碧于黛花光紅若霞連薨架飛棟卽此是仙家

寸草亭

斯園最高處惟見雲舒卷凭欄一御風不覺泠然善

輓外舅葉草牕翁

吳中有耆碩轉徙淮南地自號草牕翁所師餽貸季愛女
適狂生時人嘆高義茅簷四五椽繞籬雜花時肘後懸靈
樞案前堆金匱園林劖藥苗屏風挂鹽鼓徙柳多奇情針
茅亦游戲梅福莊光甥昔賢愛同志嗟余辭鄉久終歲不

一至前年懸弧辰留我十日醉示我平生業周易蠅頭字
旁及老莊言逍遙無物累自言歲龍蛇逝將謝人事績學
翁所勤近名翁所忌無人爲表微誰定黔婁謚

送學使鄭筠谷夫子還朝三十韻

帝德敷文教醇儒受

主知南屏誇毓秀西浙信鍾奇

鄒魯心源接皐夔事業宜摘辭先紫闥簪筆上

丹墀

鰲禁廻翔日

龍樓申命時風期儲作相簡畀命爲師

聖代恩光美諸生教育垂中川飛綵舸長路颺雲旂
被化千餘里勞臣三載期弦歌聲絡繹羽籥舞參差繼志
人皆仰因材篤靡遺冰壺常自耀水鑑果無私舒肅聞鸞

鳳揮豪篆帛螭春風開絳帳夜雪坐臯比語默無非教周
旋必中規叩簾仍待問撤幙不差池三變容皆見一隅舉
所疑持衡餘獎進取士掩瑕疵披覽官齋晚微吟夜漏遲
孤寒羣愛戴蹢躅荷扶持昔歲

彤廷詔曾令蓬戶窺

不才塵薦牘授簡寫新詩坐待官厨飮吟看日晷移幾回
瞻警欬再拜奉師資知遇真難報蹉跎尚若斯驚心易寒
暑臨別重謳思哲匠饒經濟名賢好翼爲鸞臺

九重

待鳳閣百僚隨教澤咸沾被酬恩難繫維樞衣姑孰路惆
悵送旌麾

曉發姑孰道中

曉風吹酒醒鞭影拂雲屏水漲然犀浦烟迷夢日亭麥英
紅菜圃榆莢白蒲汀日午征人倦茅簷野騎停

慈姥山

店舍看新月傳爲慈姥山伐藥穿徑去燒笋度林還酒薄
難勝夢燈昏強照顏僕夫催曉發衫袖露華斑

贈洪別駕月航

詩學看前輩騷壇久擅場宦遊戎馬地歸及水雲鄉五柳
陶潛宅千金陸賈裝琅函三萬軸流涕說

仁皇

佩文韻府

叅校諸臣
月航與焉

臘月將之宣城留別遽門

友木山房集詩

古

餘日霜霰零獵葉聲颼颼繞從眞州返復向宛陵遊君唱
幽蘭曲送我赴輕郵蓬牕窺天縹江水眞安流雪霽艷朱
炎相思登北樓

江上曲

玄英遵中川帆影嚴雲結青山秀長松森若錦罽列江蒲
見居人送寒鼓聲咽客子遠行邁都忘換時節江上北風
多江岸蘆花折日暮隨風師漁燈遙明滅

僊人磯晚眺

舟繫危磯畔登高瞰大荒雁聲來浦漵鳥影下帆檣檜栢
虛籠月菰蘆遠受霜客遊驚歲暮無計理歸裝

雪後過采石磯

我行采石磯殘雪坎巘屹青松出秀色黃竹垂琅玕碑版
懸閣道祠宇燦林端曾聞宮錦袍嘯詠過前灘供奉一云
沒太息思才難舍舟入衢國風疾客衣寒

白紵山

白紵佳名在茲山空翠微春風迴冶步夜月舞文衣伏櫪
歌聲壯龍蟠王氣非可兒誰指墓惆悵向斜暉

曹躍舟留宿南軒

留我南軒宿今年此再遇

初夏送督學鄭筠谷夫子曾寓南軒

蠲浮尊滿

酌鶩素手重磨貧賤征途久知交離別多感恩望霄漢相

顧嘆蹉跎

躍舟亦受
知于夫子

入琵琶峽

路入琵琶峽口遲江天晴色敞堯曦霜畦綺錯衰楊外滿

眼青山謝朓詩

除夕寧國旅店憶兒娘

兒年最初已自力于衣食其東道主皆長者也故篇

未及之

旅館宵無寐思兒在異鄉高齋綿雨雪岐路飽風霜莫詫

時名著應知客思傷屠蘇今夜酒誰付汝先嘗

文木山房集

詞一

金縷曲

滿江紅

又

念奴嬌

蹋莎行

虞美人

減字木蘭花

又

又

又

又

又

又

又

賀新涼

惜紅衣

解語花

買陂塘

又

洞仙歌

沁園春

千秋歲

金縷曲

疎簾淡月

月底修簫譜

滿江紅

璫牕寒

乳燕飛

喝火令

如此江山

蹋莎行

小重山

燕山亭

惜黃花

青玉案

慶清朝

百字令

桂枝香

虞美人

減字木蘭花

西子妝

高陽臺

踏莎行

水龍吟

惜秋華

水龍吟

內家嬌

文木山房集

全椒 吳敬梓 敏軒

詞一

金縷曲

盛夏題霍公山房

何計鞭陰石○只當天燭龍○鞭○吹○愁○心如熾○敗屋閒雲依破
衲○松影北窗堆○積○看○茶鼎風吹習習○荷葉三枚延法慶寶
光師飛錫河婁國○我相在竟誰識○山城梵宇巍然立○嘆
幾時青鴛白馬○又生荆棘○假使泉明今尚在○蓮社定須重
入○霍公談先○便滿眼惟餘俗物○揮淚我來尋舊址○悵遠公
頭○白○今○成○雪○鐘樓外又斜日○

滿江紅

夜雨空階。尋短夢、重衾寒戀。記那日、芳郊香徑。桃花人面。
樓上春暄開翠幙。牕前侍女揮紈扇。把紅紅白白。幼芳詞。
思量徧。武陵洞天台院。路已失、峯猶轉。恰勝常道罷迴。
眸難見。山顚有情。空抱木。冰蠶到死。仍留繭。好風光如夢。
復如塵。腸千斷。

又 治山古忠貞公廟

子孝臣忠。垂竹帛、功名如許。想當日、直言正色。褰裳衛主。
北府軍兵遺恨在。南朝君相清談誤。便全家碧血染瑯戈。
青溪路。國運改、荒墳墓。王者作新祠宇。
廟爲明太祖勅修看衣

冠劍佩精靈呵護獨嘆謝鯤稱放達堪羞王導虛名譽恨
千秋灑淚冶城邊聽春雨
結差可

念奴嬌

枕

薤紋冰簾早橫陳玉體寶釵斜墜酒醒夜闌纖手按牋有
助嬌花蕊膩髮絲牽凝脂香染臉暈回身未舊家放處思
量怎地能睡却笑古陌邯鄲盧郎高臥嘗盡愁滋味洛
水一篇思舊賦此物賺人流涕半世孤眠三更新夢惟爾
知蕉萃今宵無賴化爲蝴蝶相戲

鬪莎行

仄徑苔肥小池萍厚凭闌祇有人消瘦乍晴還雨暮寒多

餘香漸褪雙羅袖 密約無憑愁腸依舊菱花知我眉間

顰濕雲如夢挂湘簾簾前春去空長晝

虞美人

題畫

殷紅淺綠傳毫楮按節猶能舞八千子弟盡銷磨記得兵
殘楚帳夜聞歌 無端闌入江邊草又染丹青稿世人惟
解重嬌娃不見萋苴碧血化爲花

減字木蘭花

庚戌除夕客中

今年除夕風雪漫天人作客三十年來那得雙眉時暫開
不婚不宦嗜欲人生應減半鮑子知余滿酌屠蘇醉擁

爐

庚戌為雅正

斗

(1739)

年三十歲

又

昔年游冶淮水鍾山朝復夜。金盡牀頭壯士逢人面帶羞。
王家墨首伎識歌聲春載酒。白板橋西贏得才名曲部知。

又

田廬盡賣鄉里傳爲子弟戒。年少何人肥馬輕裘笑我貧。
買山而隱魂夢不隨溪谷穩。又到江南客况窮愁兩不堪。

又

學書學劍懊恨古人吾不見。株守殘編落魄諸生十二年。

門
狂來自笑，摸索曹劉誰信道。唱盡陽春，勾引今宵雪滿。

又

肝
哀哀吾父，九載乘箕天上去。弓冶箕裘，手捧遺經血淚流。
劬勞慈母，野屋荒棺拋露久。未卜牛眠，何日龍岡共一

又

眠
閨中人逝，取冷中庭傷往事。買得厨娘，消盡衣邊荀令香。
愁來覽鏡，憔悴二毛生兩鬢。欲覓良緣，誰喚江郎一覺

又

文瀾學海落筆千言徒灑灑。家世科名康了。惟聞毳毳聲。
郎君乞相。新例入貲。須少壯。西北長安。欲往從之行路。
難。

又

奴逃僕散。孤影尚存。渴睡漢。明日明年。踪跡浮萍。劇可憐。
秦淮十里。欲買數椽。常寄此。風雪喧阗。何日笙歌畫舫。
開。

賀新涼

青然兄
生日

小院清無暑。襯湘簾。桐陰柳色。階前過午。痛飲綠醪。今夕

酒此是謝庭瓊樹况更有兒郎阿虎服食神仙蓬島客紫
泥菱滿向冰盤貯千歲鶴爲君舞 人閒富貴雖朝露也
休學許家馬磨終身貧窶捉鼻低頭知不免且把碁秤共
賭莫問他故人何處小弟今年顚顚甚但銜杯不放銀蟾
去池草盡昔時句

惜紅衣

紫茉莉用
白石詞韻

嬌女烟飛新歌雲散倚秋無力點砌幽花明霞襯天碧土
化鴛鴦曾記取燒金仙客蕭寂釵折鳳鸞訪工人消息 平
康巷陌佩解羅囊紅粧枕相藉奇葩恰許掩冉芸牕北試
問鴈來霜後幾度小階巡歷只紫荊一樹何處照他顏色

年33。
張正十一
(1733)

解語花

雨後荷花

青萍乍破綠葉低翻掩映遙天罅香心撩惹還賸有珠顆
盈盈欲瀉碧筒堪把剛植向藥欄花榭愛多情水佩風裳
伴幾時閒暇因憶錦帆銷夏露輕盈半面星眸頻射館
娃荒也誰提到玉樹後庭閒話江姝淚灑曾記取珠璫偷
卸到如今蓮步荷衣付雨婚風嫁

元載聞荷中有聲如十
五六歲童子歌玉樹後

買陂塘

癸丑二月自全椒移家寄居秦淮水亭諸
君子高宴各賦看新漲二截見贈余既依

韻和之復爲詩餘
二闕以志感焉

少年時青谿九曲畫船曾記遊冶
緋纒維處聞簫管多在

柳隄月榭朝復夜費蜀錦吳綾那惜纏頭價臣之壯也似
落鳬相如窮居仲蔚寂莫守蓬舍江南好未免閒情霑
惹風光又近春社茶鐺藥碓殘書卷移趁半江潮下無底
厦聽快拂花梢燕子營巢話香銷燭灺看丁字簾邊團團
寒玉又向板橋挂

又

石頭城寒潮來去壯懷何處淘洗酒旗搖颺神鴉散休問
獬兒獅子南北史有幾許興亡轉眼成虛壘三山二水想
閱武堂前臨春閣畔自古占佳麗人間世只有繁華易
委關情固自難已偶然買宅秦淮岸殊覺勝于鄉里饑欲

死也不管干時似浙矛頭米身將隱矣召阮籍嵇康披襟箕踞把酒共沈醉

洞仙歌

題朱草衣白門偕隱圖

山圍故國正桃源紅綻恰向幽人畫圖看羨雙仙一種游戲情懷多少事付與空江斷岸被紉斟美酒琴韻簫聲眉宇何須露精悍燕子語呢喃抱甕而歸鳥衣巷夕陽零亂我亦有閒庭兩三間在邃步青溪版橋西畔

沁園春

送別李燾村

春雨如絲假蓋衝泥訪余板橋嘆佯狂李白思原無敵工愁吳質益用增勞水色縈牕衣香滿座共倚河亭短燭燒

驚心處又蒲帆高挂待趁新潮 黯然欲別魂消悵去住
難憑仗彩毫怕魚箋三萬僅能塗抹龍賓十二只解詼嘲
開府清新參軍俊逸何日論文倒濁醪君思我在秦淮十
里楊柳千條

千秋歲

四月初一日金其旋表兄五十初度寄祝

熟梅時候簾外薰風透梁燕乳庭花瘦堆盤烹白小洗琰
呼紅友千古事文章儘爲先生壽 伯玉知非後翁子窮
經人人漸老愁依舊彈琴看鬢影潑墨盈懷袖須念我一
春寂寞青溪口

金縷曲

七月初五朱草衣五十初度

織屨堂中客困風塵如流歲序行年五十南越北燕遊倦
矣白下鑿坏爲室似巢父一枝棲息昨夜桐風驚短夢把
圓林萬綠都蕭瑟秋士感壯心迫 荀卿正遇遊齊日嘆
胸中著書千卷沈埋棄擲尚有及時一杯酒身後之名何
益張季膺斯言堪述天意也憐吾輩在且休憂塵世無相
識長壽考比金石

疎簾淡月

牆匡月轉漸霰滃秦淮牕影遮斷蕉萃黃花滿徑槿籬零
亂絲絲蒜髮羞臨水倦凭闌又成長歎板橋垂柳漁家繫
艇晚炊菰飯 正客子淒涼滿眼待香醪自煮綠蟻浮瓊

三百青銅買得幾爐爍炭冷吟間醉原無味更何堪愁淡
酒淺步欄屣倚殘星數點兩行哀雁

月底修簫譜

鵲爐烟鸞鏡影記向畫屏見竹葉花裙白苧趁時翦是他
病後心情愁中風度幾曾帶玉釵金釧錦堂畔早把銀
燭高燒重簾隔嬌面射覆分曹姊妹半宵讌只餘幾度迴
眸一聲長嘆瞞不過杏梁雙燕

滿江紅

雀化虹藏又過了今年冬序臨水檻寒潮綠減夕陽紅聚
幾處霜風催鉦久誰家夜月鳴機杼更木蘭椒葉葢奚頭

1734

廿四日

糟牀注 豈合在他鄉住豈合被虛名誤盼故山榛莽先
人邱墓已負耦耕鄰父約漫思彈鋏侯門遇再休言得意
薦相如凌雲賦

璫牕寒 憶山
片

薜荔牆邊藤蘿石上自然瀟灑長松百尺絕似虬龍高挂
嘆三年柴扉未開蛛絲網徧茅檐罅只晚驅黃犢霜楓紅
映夕陽西下 寒夜從容話枉眷戀秦淮水亭月榭撇却
家山紫翠丹青如畫想潑醅春酒正濃綠楊村店雞豚社
幾多時北叟南鄰定盼余歸也

乳燕飛 甲寅
除夕

令節窮愁裏念先人生兒不孝他鄉留滯風雪打牕寒徹
骨冰結秦淮之水自昨歲移居住此三十諸生成底用賺
虛名浪說攻經史捧卮酒淚痕滓家聲科第從來美嘆
顛狂齊竽難合胡琴空碎數畝田園生計好又把膏腴輕
棄應媿煞穀貽孫子倘博將來椎牛祭總難酬罔極恩深
矣也畧解此時恥

喝火令

題刺
繡圖

寶髻香螺染羅裙綠草齊新裁淡墨水田衣坐擁薤紋冰
簾團扇也相宜拂曉烟初斂當春鳥正啼自挑弱綫小
牕西絕勝檣蒲絕勝賭圍碁絕勝筍輿油壁花外蹋香泥

如此江山

一船離恨斜陽外遙凝數行穹翠亂藻橫陳崇蘭雅密才
過清明天氣魚兒燕子看飛入檣邊皺來波底綠柳青帘
趁虛人聚水中沚終宵眠亦未穩早月到蓬牕好夜如
洗蠟屐誰家前裙那處偏我羈愁千里心驚不已嘆百五
韶光祇余餘幾雨甲烟苗菜花開徧矣

鬪莎行

鹿韭香濃雀瓢香細何人庭院春初霽還家兩月不曾過
又從江上招舟子挑薺籬根焙茶牕際一般也有幽間
事獨憐涉險總無端櫓聲軋軋波聲裏

小重山三

雲旆交波拂曙行
回看烟霧裏別江城
點頭沙鳥過遙汀
臨斷岸綠徧水香棧
八字賈帆輕連宵春
雨過浪花平
凭舷山影落牕櫺
青天外何處曉霞明

燕山亭

燕湖雨夜過
朱草衣舊宅

川后停波屏翳送寒搖
蕩澄江青霧橋外數椽
薜蝕苔殷
映帶柳塘花塢燕子
歸來知認否當年誰
主無語銜落蕊
迎風繚垣低度
悵悵孤客淒清聽
瑟瑟蕭蕭夜牕聲苦
梁市阮廚燭掄香銷
知他故人何處他日
相逢難說盡別
離情緒思汝同聽者
半宵春雨

惜黃花

采百

江花紅蕖浪花綠漲過危磯憶當年謫仙情況燕子掠波
迴魚妾隨潮長但繫著幾行橫網騎鯨悽愴釣鰲疎放
古之人古之人祇今安往帶月臥孤篷醺酒催三槳也博
得十分酣暢

青玉案

塗次懷
王朔山

梨花寒食春將半記分袂溪橋畔別後頓教春又晚長隄
楊柳芳洲芝若綠徧江南岸應勞髯叟將余盼幾月遊
踪似天遠遙憶瑟居情興嬾一簾烟雨半爐香霧坐聽流
鶯轉

慶清朝

李彌村留飲園亭

鴈膳堆盤龍脩滿徑儘堪留客舟旋纔通畫刺便教投轄
爲歡不用玉船瓊夏清談揮塵最相關園亭外鶉鳩喚雨
聲出林端多少暮雲春樹嘆別離踪跡說也凄然空廊
散錦還看江月重圓暗水細流曲徑隔離新漲一溪烟空
凝思板橋艇繫紅藥欄邊

百字令

天寧寺僧舍見
青然兄題壁詩

長廊塵黥是吾家康樂舊曾題處一自旁求巖穴裏爭說
拔茅連茹兄應博學鴻詞科入都余時亦被薦故云瘦馬黃埃明駝紫陌挾策
長安去虎羞龍聖祇留貽贈詩句追憶春草鳴禽西堂

清曠終日同揮塵老大轉傷漂泊甚分手北燕南楚花雨
空祠江聲虛壁神鬼應呵護紗籠何日木蘭花正盈樹

桂枝香

望九華

颿颿乍落見黛色黏天九峯堪削鋪岸魚衣如繡水荇參
錯帆回柁轉斜陽裏又依然江天寥廓空石厂誅茅畦
町簇叉攬桷念客裏風光不惡又鬪茶時候紅莎綠蕩
何日丹爐鍛竈結廬林薄終南太華都休問只思尋深洞
巖壑幾行沙鳥幾雙社燕幾聲風鶴

虞美人

貴池客舍晤管紹姬周懷臣江荆門姚川懷

幾年同作金陵客古渡尋桃葉今年作客在池州買得鱖

魚沽酒共勾留。絲絲梅雨雜初夏。煮茗消閒話端陽節。
近旅愁牽孤負。秦淮簫鼓擁燈船。

減字木蘭花

識舟亭但風喜過朱乃吾玉道士崑霞

卸帆聽下一帶江城渾似画。羽客凭闌指點行舟杳靄間。
故人白首解贈青銅沽濁酒。話別怱怱萬里連檣返照。

紅。

西子粧

蒲劍方交荷錢乍極潑眼安榴花吐畫梁元乙怡歸來向
湘簾傍人矜舞新詩漫與且邀得狂朋怪侶坐綠陰聽蛻
蟬聲斷迎涼庭宇。羈棲誤三月春光拋擲如塵土一帆。

此來歷也。

風事也外史。

生口云。

子云云。

南思云。

江上趁潮平愛河千午風清暑旌門幕府有多少感恩知
遇洗征衫幾陣濯枝驟雨

高陽臺

真州客舍晤聞冠霞以江賓谷
手書並新詞見示倚聲奉答

柘月初虧盲風漸紫扁舟又別江城雀室潛聽蒲帆趨就
秋聲關情只有辭巢燕怕看他鳩化爲鷹怪兼旬爲踏槐
黃誤了鷗盟真州老友重相訪示懷中一紙綵筆縱橫
夜掩禪關剪燈細讀淒清假饒樂句常連袂也何須鼓瑟
吹笙儘沉思燕盡薰爐沸盡茶鐺

踏莎行

鏡蔴
亭

窮海曩臣上林天子鏡蔴亭畔傷心事霜空木落雁銜書

歸期回首初春是 碧草頽垣紫苔唐肆瀕江弔古堪流

涕祇緣身未到邊關不知洪皓含悲地郝經元臣元世祖使經來宋告自位

賈似道留于真州十五年至元將滅宋始還經在真州時以雁繫帛書又常遊鏡湖亭作記宋金華詩曰木落霜空

恣所如歸期回首是春初上林天子援弓繳窮海繫臣有帛書

水龍吟

木犀香滿精廬晚來受月池光淺一龕佛火一爐茶影一

牀詩卷旅鬢迎秋斷魂驚夢曲闌凭徧悵纔晴又雨重陽

近也留不住辭巢燕 休說瓊樓玉宇儘西河吳剛迷戀

功名尚記昔年知遇依然淪賤北固山明南冷水美客懷

聊遣謝多情老衲軍持淨洗把黃華薦

惜秋華

寓齋菊花紅葉爲
積雨所敗傷之

榮露凝脂看施元的的臉霞初暈冷淡幽姿添他幾般丰
韻盲風乍滿籬角黃雀雨驚寒雁陣霜信悵離披數枝間
惜誰問 愛賞傾新醞似佳人絕世翠眉蓬鬢呈素質表
膩理香銷燈燼今宵月漏濃雲又儘教綠遮紅襯休慍待
移栽膽瓶重認

水龍吟

自然鑑爲真
州家薌林賦

半升鑑裏乾坤問誰巧製同丁緩香濃聖水光瑩伏火淡
烟徐轉盡日迴廊連宵寒雨一樽常滿羨奚奴去後幾番
沸了渾不用揮紈扇 儘解相如消渴更添他杜康沈湎

花陰徑窄蘭舟波淨相攜游徧小病初愈故人重到乳花
浮盞待餐來溫餅朱衣拭取驗何郎面

內家嬌

生日作

行年三十九懸弧日酌酒淚同傾。嘆故國幾年草荒先壟。
寄屈百里烟暗臺城。空消受徵歌招畫舫。賭酒醉旗亭。壯
不如人難求富貴。老之將至羞夢公卿。行吟憔悴久靈
氛。告須歷吉日將行。擬向洞庭北渚。湘沅南征。見重華協
帝。敝詞敷衽有娥佚女。弭節揚靈。恩不甚兮輕絕。休說功
名。